



# Synfocity = 485

mail us at : mzsinfo@gmail.com; mizoramsynod@gmail.com - Phone - 2314648

1<sup>st</sup> May, 2014

## □ PCI General Assembly Wawi 41-na

India rama Presbyterian Kohhrante inzawmkhawmna Presbyterian Church of India (PCI) Inkhawmpui kum khat dana neih thin, Biennial General Assembly wawi 41-na chu April 30 - May 4, 2014 chung hian Laitumkhrah Presbyterian Church, Shillong (KJP Synod Mihngi)-ah neih mek a ni a, thupuih 'Prophetic Role of the Church Today' tih an hmang. Mizoram Synod atanga palai turte chuan nimin (April 30) zing khan Bus 11 khat vekin Inkhawmpuina tur hmun Shillong hi an pan a, Dr. Robert S. Halliday, Superintendent, Synod Office hovin Synod hnathawk engemaw zatin an thlahiam a ni. Mizoram lam atanga kal bakah hian Tripura leh Manipur atangin Bus hranin an kal ve ve bawk. PCI Assembly Puipate leh Committee pawimawha telte chu an lo kal hmasa tawh bawk. Vawiin (May 1) ah Standing Committee leh Executive Committee an thukhawm a, zanin dar 7:00 hian PCI Moderator Revd. Dr. S. lawphniaw khaihhruiain Palai Lawmna Inkhawm a awm ang. Naktuk (May 2) atangin Rorel tan a ni ang.

## □ Synod-in Putlungasih kangmei tuarte tanpuina a hlan

April 23, 2014 (Nilaini) chhuna Putlungasih, Lunglei District-a kangmei chhuakah chenna in a kang ral nual a, nimin (April 24, 2014) khan Rev F Lalrinnunga, Administrative Secretary, Chhim Bial-in kangmei tuarte hnenah Synod Relief Fund atangin Rs.1,10,000/- (Cheng Nuai khat leh Singkhat) a hlan a ni.

Putlungasih khuaa kangmei tuarte hi In 11 ah chungkaw 12 an ni a, chungte chu :

- |                     |                         |
|---------------------|-------------------------|
| 1) Pu T Lawmsanga   | 7) Pu Laldinthara       |
| 2) Pu C Lalkhuma    | 8) Pu Lalsiama          |
| 3) Pu T Lalfakzuala | 9) Pu Suna Hemron       |
| 4) Pu Remsanga      | 10) Pu Vanlalngbaka     |
| 5) Pu Lalfakkima    | 11) Pu H Lalhmingthanga |
| 6) Pi Zonunpari     | 12) Pi Lalmangaihsangi  |

In kang ve chiah lo, a kan kai hlauh avanga thiah sak pakhat (Pu Solomona) hnenah Pastoral Relief pek a ni a, In kang ral vek Pu H. Lalhmingthanga ina awm sikul naupang (Donojoy-a), a thawmhna leh zirilaibu zawng zawng kang ral vek hnenah Pastoral Relief pek a ni bawk.

Heng bakah hian Putlungasih Branch YMA leh Putlungasih Village Council hnenah hnatlang senso atan Rs 2,000/- ve ve hlan a ni bawk.

## □ Presbyterian Bible School

April 24, 2014 (Ningani) khan Pi Zaii Hall, Synod Conference Centre-ah Presbyterian Bible School-a 30<sup>th</sup> Session zirilaite pualin Farewell & Dedication Service neih a ni.

Programme hi Rev. P.C. Pachhunga, Executive Secretary-in a kaihrui a, Rev. Dr. C. Lalramlianah Inhmehriattina hun a hmang a, Rev. Lalrinmawia, Board Member-in zirilaite hnenah Certificate a hlan. Chairman-in zirilaite Pathian hnena hlanna leh lawmman semna a nei a, Rev. Vansawma, Board Member-in tawngtaisakna hun a hmang. Upa C. Lalbiakthanga, Board Member leh zirilai aiawhten thutawi an sawi a, Rev. Vanlalzuatan Lawmthu sawina hun a hmang. Presbyterian Bible School hi kum 2004 May thla atangin tan a ni a, a din tan tirh atangin zirilai 1084-in an zirchhuak tawh a. Session 30-naah hian zirilai 53 an awm a, chung zinga 43 in an pass a, First Division-ah 10, Second Division-ah 16, Third Division-ah 2, Simple Pass 15 an awm a, Exam lo 8 leh Failed 2 an awm bawk. Tun tum exam a titha lawmman dawngtute chu :

1. Vanlalhrati Sailo D/o S. Thanglura, Farkawn Presbyterian Kohhran
2. H. Lalmangaihi D/o H. Lalrindika, Republic Vengthlang Presbyterian Kohhran
3. Caleb Lalsiammawia S/o D. Nghingliana, Chhiahtlang Presbyterian Kohhran

Presbyterian Bible School atanga zirchhuakte hi rawngbawlina tangkaiah an inhmang zui hlawm a, Missionary leh Social Worker-a tang zui tam tak an awm a, B.Th. leh BD zir zawm thahnem tak an awm tawh a, Synod Revival Speaker zinga tam takin heta tang hian Pathian thu an zir chhuak tawh bawk a ni.

## □ Ramthar Board Committee a thu

April 29, 2014 khan Synod Office-a JM Lloyd Hall-ah Synod Ramthar Board Committee wawi 149-na a thu. Committee hi Rev. K. Lalmuchhuaka, Moderator-in a kaihrui a, Board Secretary Reports ngaihthlak a ni bawk.

He Committee hian thu pawimawh 20 zet a rel a, chung zinga langsar zualte chu - Assam Field chungka Kohhrante dinhmun tihchian rawtna te, Assamese tawng zirna bu pawmpui thu te, Contract leh fixed pay-a thawk Field Worker-te hlawn en that rawtna te, Nepali leh Hindi tawnga PCI Dan bu lehlin dilna te, M.Th zir diltu Missionary Pastor-te chungchang te, Masihi Sangati Evangelist dilna te leh CWM hnuai Missionary term tawp chhunzawm dilna te an ni. Synod Mission rawngbawlinaah hian kumin chungin field hrang hrang 17-ah ringthar 1931 an awm tawh a ni.

## □ Zin

◆ April 28 - May 5, 2014 chung hian PCI General Assembly Executive Committee, Shillong-a tel turin Rev. Lalzuithanga, Senior Executive Secretary; Rev. Lalramliana Pachuau, Executive Secretary te an kal. PCI Executive Committee member, Rev. H. Remthanga leh Upa R. Lalmalsawma pawh April 29, 2014 khan Assembly a tel turin an kal bawk.

◆ April 30 - May 3, 2014 hian PCI General Assembly, Shillong-ah Mizoram Synod palaite buaipui turin Pu Andrew Varte, Asst. Coordinator; Pu Jeho Malsawma, Office Assistant; Tv. H. Vanlalhrata, Office Assistant leh Pu J.K. Lalengzauva, Peon te an kal bawk.

◆ April 30 - May 2, 2014 hian Presbyterian English School tlawn tur leh School hawn dil enfiah turin Kawnpui, Thingdawl, Kolasib, Bilkhawthlir, Vairengte leh Silchar-ah Upa D.P. Biakkhuma, Supervisor of Schools a kal.

## □ Thawktu thar

Synod Hmangaihna In, Durtlang-ah kum 2014 chung Contract Basis-a thawk turin a hnuai a mi te hi lak thar an ni :

*Counsellor* : Jane Lalrinthari, M.Phil (Psy.), D/o Lalmangaiha (L), Thakthing Veng

*Case Worker* : R. Lalthatluangi, MSW, D/o R. Lalrokima, Ramthar Veng

He hna hi Social Welfare Department (ICPS) ruahmang ana kalpui tur a ni a, hlawn pawh Sawrkar pek tur a ni.

Contd..

- **Missionary Refreshers Course**  
 April 16, 2014 atang khan Missionary Training College, Mission Vengthlangah Missionary Refreshers Course neih mek a ni a, May 14, 2014 thleng a awh ang. Tun tumah hian missionary 33 koh an ni a, mi 25 an tel thei a ni. Refreshers Course-ah hian College-a thawktute leh pawn lam atanga mithiam an sawnten zirtirna an pe a, a remchan danin Pathiannah Kohhran tlawhna hun siam thin a ni a, April 22 - 25 khan zan lamah Thlarau lam intuaitharna programme hman a ni a, May 5 - 9 chhungin neih chhonzawm leh a ni ang.
- **MSSU**

  - ♦ May 3, 2014 (Inrinni) hian Bungzung Kohhranah Sunday School Zirtirtu Training neih a ni dawn a, training neihpui tur hian T.Upa Lalthahluna Ralte, MSSU Asst. Coordinator leh Upa Lalchhuanawma, Zuangtui (MSSU Trainer) te an kal ang.
  - ♦ May 3, 2014 (Inrinni) hian Salem Veng Kohhranah Sunday School Zirtirtu Training neih a ni dawn a, training neihpui tur hian Pu John Lalhrualtuanga, MSSU Asst. Coordinator; Upa K. Zoremsanga, Kulikawn leh T.Upa F. Lalenghluna, Ramhlun Vengthar (MSSU Trainers) te an kal ang.
  - ♦ May 3, 2014 (Inrinni) hian Champhai Venglai Kohhranah Sunday School Zirtirtu Training neih a ni dawn a, training neihpui tur hian Upa H. Lalthlamuana, Bawngkawn leh Upa B. Lalhmunliana, Bethlehem Venglai (MSSU Trainers) te an kal ang.
- **Pastor Missionary Orientation Programme**  
 Synod Mission Board chuan May 7 - 14, 2014 hian Missionary Training Centre, Mission Vengthlangah Pastor-te pualin Orientation Training a buatsaih ang. Orientation-ah hian Missionary Pastor-te rawngbawina atana tangkai tur thil chi hrang hrang Rev. Dr. K. Lalrinkima, Pu R. Lalnuntluanga, Upa Lalsawmliana, Rev. Zosangliana Colney, Upa Lalrinmuana, Rev. Remlalfaka, Rev. Lalthankhuma, Rev. Ralthansanga, Rev. K. Vanlalrova, Pi Vanlalthawmi, Rev. K. Lalhmingsliana leh Pi Sylvie Zomuanpuii Ralte ten an zirtir ang.
- **Kristian Thalai Pawl**

  - ♦ PCI Biennial General Assembly, May 1-4 chhunga Laitummukrah, Shillong-a neih mekah Pu Samuel Laldingliana (Asst. Leader), Tv. R. Lalramnghaka (Fin. Secy) leh Pu C. Laldingliana (Com. member) te palaiin an kal.
  - ♦ Mizoram Synod Choir chu April 25 (Inrin) zan khan Mission Veng Bial Inkhawmpui Centenary lawmna, Mission Veng Kohhran Biak Inah an zai a, PCI Biennial Gen. Assembly (Shillong)-ah an zai bawk ang.
  - ♦ May 5 (Thawhtan) zan hian KTP, Venghlui Branch Diamond Jubilee lawmna Gen. Secy. Upa Zonunmawian a hmanpui ang a, Jubilee Souvenir a tlangzarh ang.

4, KTP Diamond Jubilee (2014) Documentary Film leh Jubilee Concert DVD chu peih fel a ni tawh a, hralh chhuah theih thuai beisei a ni.
- **Synod Mission Board**  
 April 28, 2014 zana thli tleh khan Arunachal East field chhung, Changlang Bial a Ngechang Biak in chu a ti chhia. He Biak In hi 2008 khan thlipui in a chhem awn bui tawh a, chu chu engtin tin emaw hruia pawh din leh a ni a, an sa tha thei mai lova. Mi thahnemngaite tanpuina pawh tlem chu dawn a ni tawh nghe nghe. Sak that an tum mek laiin thlipuiin a rawn nuai leh hlauh mai a, a tlu sawp zo ta a ni. Khaw thenawm kohhran te nen hnatlengin a chak hi senghawi a ni a, a sir hmun awl remchangah an lo inkhawm lailawkna tur sak nghal a ni a, a remchan anga la chhonzawm ani ang.
- **Kohhran Hmeichhia**  
 PCI General Assembly, Shillong-a tel turin Central Kohhran Hmeichhe hruiatu Pi C. Lalhmangaihi, Chairman leh Pi H. Lalpianthangi, General Secretary te April 30, 2014 khan an kal.
- **Music**  
 Synod School of Music chuan May - July, 2014 chhunga Violin zir tur mi 10 a la thar a, vawiin (May 1, 2014) atang hian Class neih tan a ni.
- **Hruaina Eng FM Radio & TV Programme**

  - ♦ **MAY 2 (FM Zoawi Aizawl @ 7:30 p.m.) :**  
**Solo :** Lalduhsaki - Van ruahtui, **Choir :** Saitual Pastor Bial Zaipawl - Lal Isua Kan Fak Tawh Ang, **Thuchah :** Lallungmuana - Lehkha zir dan tha, **Solo :** Nancy Zothanmawii - Ka lungawina, **Band :** PAUSE - Lalpa Sipai, **Choir :** Mizoram Synod Choir - Lalpa fakinkan zai ang
  - ♦ **MAY 2 (FM Lunglei @ 7:30 p.m.) :**  
**Solo :** Lalduhsaki - Van ruahtui, Synod News, **Choir :** Saitual Pastor Bial Zaipawl - Lal Isua Kan Fak Tawh Ang, **Thuchah :** Lallungmuana - Lehkha zir dan tha, **Solo :** Nancy Zothanmawii - Ka lungawina, **Band :** PAUSE - Lalpa Sipai, **Choir :** Mizoram Synod Choir - Lalpa fakinkan zai ang
  - ♦ **MAY 4 (TV Programme @ 3:00 p.m.) :**  
**Solo :** C. Lalrindiki - Danglam lo Krista, **Sermon :** Rev. K. Lalzuala - Lalpaa chawlh nun, **Interview :** Jose Ramirez Barreto
- **Susamachar Prasaran Programme**  
**MAY 4 (Pathianni) 5:00 pm. Hindi Gospel Programme (Susamachar Prasaran) :**  
**Group/Choir/Solo :** Dawrpui Vengthar Pastor Bial - Kush par, **Group/Choir/Solo :** Govt Complex Kohhran - Anugrah Karii, **Sermon :** Rev B. Zobiaktluanga - Jagat Ki Jyoti, **Group/Choir/Solo :** Republic Veng Masihi Sangati - Falaksa, **Group/Choir/Solo :** Chhinga Veng Masihi Sangati - Isu Bula Raha Hai
- **Synod Moderator Programme**  
 Synod Moderator Rev. K. Lalhmuchhuaka chuan tun kar tawpah hetiang hian hun a hmang ang :  
 May 1, 2014 (Ningani) : Aizawl to Shillong  
 May 2 - 4, 2014 : PCI General Assembly, Laitumkhrah, Shillong  
 May 5, 2014 (Thawhtanni) : Shillong to Aizawl

